

仙樵詩鈔

四冊之三

仙樵詩鈔卷七

遼陽劉文麟仁甫著

己酉

客中春思

物候變人意因端感興殊和聲雙鳥悅寒夢百花蘇故
國春應好芳辰客自孤不知所思者亦共此心無

遣興

一片輕雲作晚陰梨花寂寂柳沈沈歲因遇閨春偏冷
人爲多情病更深風雨醉中思往事親朋別後少來音

榮枯嬾向龜蓍問已是愚頑直到今

楊柳枝

百花兀自怯春寒雨態煙情已萬端
句惹春心無限恨與卿何處有相干

赤闌橋外白沙隄芳草新生綠未齊
倚仗東風得顏色一同排立杏花西

枝枝葉葉總風流半拂池塘半拂樓
賴是長條長若許繫春不住繫儂愁

毵毵金絲碧玉芽纖穠無力未勝鴉
細看一種纏絲意

不信狂夫不憶家

銀泥牆角板橋頭故國春來似昔不一樹青青斷腸色
有人眠覺正開樓

斜倚妝樓見一枝玉人含恨有微辭從教繫得郎心住
不把蛾眉更妬伊

濃於草色嫩於苔歲歲年年官道隈看慣風塵往來客
不知青眼向誰開

驛路江橋管送迎長條折盡未全生春來那復相憐惜
祇有黃鶯念舊情

仙梅詩鈔
卷一
覆蔭行人也是功
路旁拋擲任西東
絕憐一種承恩者
閒在龍池雨露中

潘岳年華鬢有絲
惱人兼是暮春時
長安不少看花地
獨爲多情折一枝

自翻新調寫風流
爭是當年白與劉
唱到柳枝聲曼處
可憐一片是春愁

哭故淮揚觀察樊幼山

師仲

鄉前輩

星落錦川濱
驚聞信竟眞
死生皆有事
桑梓尙何人
移疾纔歸里
傷心遽化身
受恩遲未報
腸痛轉車輪

賤子銜哀日清江暫泊船椒漿勞奠灑梓誼費周全際
遇今如此關河更渺然難將哭公淚傾滴到重泉

都門旅興

九衢車馬暗塵橫旅館淒淒獨坐情春氣著花開不斷
客愁如草刈還生病多漸愛枯禪味才少難辭拙宦名
惆悵故山經歲別累他鶴怨與猿驚

東風吹綠滿庭柯春去春來一剎那痛飲不教真氣減
靜觀纔覺妄緣多豈堪疲馬登危阪終任虛舟犯怒波
身幸生逢治平世微官何用惜蹉跎

宦途如漆黑茫然索米長安徒自憐爲客況堪千里外
思家多在五更前故人情重書難答游子歸遲衣欲穿
無賴畫闌東畔月獨看一十五回圓

庭前閒步

幾日無來客苔痕綠滿墀新蠅趨熱早老樹得春遲遙
指雲生處難知雨到時落花僮不掃飛上讀書帷

曉起

推枕起環視東窗日已暉薄寒知夜雨新浴試春衣旅
癖忘言坐家園有夢歸楊花不管恨故意入簾飛

僧超亦山
戴弼三
廣護
雨明府游城南焦園

三十二韻

別業傳焦氏亭臺結構佳初聞神卽往擬訪願頻乖昨
夜停殘雨長空掃積霾正堪乘霽景兼可散羈懷俗事
全無累幽人恰有儕倚樓清興並安道賞心諧俟煖剛
來雁途遙詎策駟輕衫兼緩帶矮帽並寬鞋瑞靄瞻仙
闕芳塵蹋御街回頭城已隔迎面樹齊排野色濃於染
山容淨似揩歌聲彼此和行影後先偕邨路逢僧引園
門候客闌入深斜度逕撥密曲循階登眺棲霞閣盤桓

竹譜金
貯月齋天低寒綠壓地淨落紅埋暗脈泉疏禹奇形石
鍊媧老籐蟠肖虺枯木痠疑豺泥破笋抽箭風生松墮
釵茶蘼兩架合薜荔一牆皆草色侵虛幌花名誌小牌
躍鱗機潑潑鳴羽韻喈喈麗彩迷雙眼空香透百骸共
欣春似海祇少酒如淮小住時難待將還意尙挨暝煙
昏亂竹夕月淡孤槐池邇尋歸路崎嶇歷斷厓林光猶
顧望市語忽喧哇守舍憐羈旅應官類戲俳志雖邱壑
戀身奈利名差放曠纔雲鶴拘墟又井蛙故園徒自好
惆悵隔天涯

綠陰

已稀嘯鳥未鳴蟬
低蔭斜垂處處圓
此樹又看生葉後
何人還想落花前
深深門巷地如水
黯黯樓臺日在天
幽客不來涼意滿
一琴孤抱碧雲眠

庵寓卽景

淨界無塵垢
眼清心自空
何方雲作雨
盡日樹生風
幽客吟寒綠
閒僧掃落紅
蒼苔雙履迹
多在佛堂東

歸期

不知何日是歸期
兩度春風付別離
渺渺關河游子恨

冥冥煙雨落花時求官味似餐雞肋沒世名真媿豹皮
細想年來顛倒事自家顛倒待尤誰

小雨

小雨無休歇因風又一番輕寒斂花氣積潤展苔痕書
味客敲枕屐聲人到門思量今夕月可得共清尊

清曉

清氣在胷膈百端思慮空鳥嘯殘睡裏人倦宿醒中洗
手掬花露披衣立柳風今朝幽興足俗客刺休通

偶吟

羲馭行南陸流光祗刹那初晴涼意在一雨綠陰多淨
簞呼僮展高冠畏客過日長閒睡覺靜坐養天和

小詩

情性疏狂似阮稽閉門長晝謝輪蹄舊書字斷留蟬粉
新墨香濃裂麝臍花氣入簾人半醉柳陰籠榭鳥雙啼
一作燕雙棲小詩寫就銀光紙已是芸窗日向西

答陳鶴溪

老鶴帶來東海書書中字字青珊瑚故人情況莫須問
臣朔八尺慙侏儒去歲春來太蕭索吹裂荆枝風勢惡

貪豺哮虎橫齧人似此何言故鄉樂丈夫有志在四方
出門疾走心茫茫義和之鞭夸父杖騎龍赤手排天閭
天閭不開闔者怒煙霧橫斜塞歸路仰看雞犬紛入雲
玉節金幢杳無數功遲九轉丹未成鑪旁坐守難爲情
清風明月幸無恙醉吹白玉雲和笙俚耳聾閉少能聽
卻憶山中昔時興天空木落秋氣高瑤瑟朱璫響齊應
白雲如水吹滿樓長松萬樹聲颼颼擲杯東去取溟海
開懷一醉三千秋此樂沈沈忽如夢而今空抱窮途慟
枉將苜蓿餌驥驎那得梧桐宿鸞鳳陳生靜者眼有神

世情未老天趣真我之自出固應爾猶能一念支離人
拭目開君錦繡段遠望停雲思凌亂故山泉水空自清
不洗長安塵滿面已矣乎歸去來芝田蕪沒生蒼苔煩
君爲拂三珠樹待我歸時花好開

懷馬西岡

夫子今何似追懷一悵然高文衆不賞生意爾堪憐香
草美人思涼蟬薄暮天寸心素相託三歎白眉賢

雨夕

雞鳴夜色深虛室一鐙白孤客悄不眠幽夢破檐滴微

風生颯然涼氣集帷席卻憶故山中臥聞遠泉夕方

暑甚

久疏腳襪與頭巾難作蓮花火裏身可畏渾疑逢酷吏
日咨誰解念勞民清涼境界應無地襤襪情懷大有人
安得北風圖一幅虛堂高挂掃炎塵

不眠

好成眠處不成眠事到心頭一黯然待養小人猶有母
思歸故里已無田高樓長笛風兼雨孤館寒鐙夜似年
終覺此中灰未盡那能冥寂學枯禪

閒情

不數當年有莫愁。鐵腸也覺對卿柔。夢爲蝴蝶魂先斷。
化作鴛鴦願可酬。傳札難禁三日別。下帷還帶一分羞。
門前無賴垂楊柳。慣引蕭郎繫紫騮。

溫柔鄉勝白雲鄉。絲吐春蠶到底長。卿比蘇娘更嬌小。
我非杜牧也清狂。嘗來蓮子心原苦。伴得梅花夢亦香。
無奈被他情字管。黃金費了費思量。

旅夜

閉門齋館靜孤興。託瑤琴不寐雨初歇。無聞夜漸深。清

寒明月色悽寂遠人心寄宿南枝鳥多應夢故林

感成

西風涼撲一枝燈獨夜清吟感不勝浩歎我真爲客久
怕聞人競在官能閒情刻骨牽成累奇氣填胸起作棱
何待黃金銷散盡早知世味冷於冰

庚戌

過易水懷古

士無尺寸柄有爲在一死淋漓滿腔血但願獻知己燕
丹躁狹人劫秦雪仇恥所事竟何成適速國亡耳先生